

四庫全書

集部

欽定四庫全書

集部

樵雲獨唱卷三

詳校官檢討臣德生

中書臣劉源溥覆勘

覆校官中書臣汪學金

分校官學正臣卜惟吉

膳錄監生臣陸潮愈

欽定四庫全書

樵雲獨唱卷三

元 葉顥 撰

絕句

次友人題丹井韻

仙人學丹井丹去月華孤無復秋風夜雲邊響轆轤

辛卯冬雪裏尋梅三首

寒雲濕不飛江路踏瓊琚香影無蹤跡羅浮月上初
月色滿人間前村步久艱南枝尋不得何處是孤山

逋仙凍欲僵
春色惱吟腸
繞樹全無影
滿身都是香
游三洞金盆諸峰絕句二十首

長松撐白雲
偃蹇幾千載
而我能幾何
松雪鎮長在
策杖遊洞天
石羊卧荒草
平起不載逢
幾見春風老
仙翁出洞口
笑我兩鬢華
塵世界變更
翁貌長如花
雲巔老猿吟
松下仙犬吠
山童不知名
嘯入青雲去
我我萬疊山
曾閱幾人老
我老不少年
山老色愈好
渴斟東澗泉
饑煮西山石
醒時策短筇
醉後橫長笛

峇堯金華峰蒼松凜高秋仙人坐不成歲月空悠悠
青山如佳人白雲如遊龍佳人節不移遊龍去無蹤
我昔為童兒登高而作賦我今髮如霜青山但如故
徘徊三洞天拚作十日留何當約安期共為千載遊
山靈見我來撫掌一笑莞喜我成此遊恠我來何晚
不為世網縈肯受儒冠悞茲遊快平生并了泉石痼
大山巖而尊小山婉而秀往來兩山間巖霏濕吟袖
平生酷愛山嗜好如猿狙行將脫塵俗上與浮雲俱

久從山中遊頗識山中趣
狂吟採松花撼動雲栖樹
已無名利心猶有烟霞疾
汲彼千尺清洗此方寸癖
犬吠人家近鳥啼春晝晴
澗草有幽色野花無定名
惟藤搖蒼烟芳林滴晴雨
閑花逞嬌姿笑舞春風裡
褰衣陟芙蓉挨雲拾瑤草
寘之懷袖中食之顏色好
雲邊學仙子貌古懸方瞳
閑揮白玉麈笑坐青石峰

曉窓禽語二首

紙帳夢初醒
山窓月上明
宿雲離石去
幽鳥話新晴

殘月滿山阿長松弄清影幽禽啼數聲吟窓人睡醒

題丹井二首

閑雲埋甃冷皓月照前空仙與丹俱化苔花弄曉風
浴丹仙已遠甃冷蘚痕鮮斷綆無人汲空遺浸月泉

題丹竈

丹成仙去後竈古白雲邊灰冷空餘燐林荒鎖斷烟

題石羊二首

二仙牧羣羝食盡丹田草化石幾何秋牧羊人未老

山邊牧羊者誰得似初平羊化人俱往年年草自榮

王粲江樓

王粲登臨客雲閑獨倚樓西風千里興落日半江秋

莫愁烟艇

莫愁江上艇月夜扣舷歌甚欲尋遺跡江空烟浪多

范蠡雲舟

范蠡平吳後秋風理釣船情空青嶂下夢落白鷗邊

嚴江獨釣

光武中興主嚴光避世翁雲邊一片石江上幾秋風

赤壁清游

魏武吟詩夜坡仙玩月秋英聲流後世清興動南州

夢游金盆峰二首

愛山如猿獠清嘯卧雲石山雲入夢來相見如舊識
有懷金芙蓉經年未能去青山入夢魂白雲生杖屨

看山

薄俗易災涼浮雲屢更變耐久屋外山相看無厭倦

題泉石高情圖

流水閑雲外青山落照中詩翁扶瘦策相與聽松風

題西施蹙額捧心圖

憔悴兩娥顰春山鎖恨深東鄰正嘗膽西子謾捫心

秋日飲友代東二首

烏帽風前落黃花雨後香淵明三徑裡明日共壺觴
詩骨秋來瘦山花日暮香殷勤一樽酒相與慰荒涼

草堂歸米圖二首

鶴髮兮倚閭山空兮夕暉白雲兮髣髴游子兮其歸
游子歸心切慈親望眼空白雲千里意瘦策倚秋風

疎齋晚步

倚老難擎露水清偏見魚好磨青玉觥一飽更何如

巖前夜坐

修徑白雲幽山空明月秋長松高百尺明月襲衣裘

秋暮田園雜興二首

濁酒滿斟自遣柴門雖設常闕與老為期白髮相看無

厭青山

峰頂雲開懶出松
邊鶴去應還獨步
秋風頂上興來聊

盡吾歡

春郊即景

微雨弄晴天氣輕
寒釀暖時光柳外
涼颼滿袖花邊香
露沾裳

沙溪清隱

繞屋一灣水綠迎
軒數朶峰青沙露
鷗盟新定雲松鶴

夢初醒

幽居即事二首

吟座半窓殘照琴床一枕閑雲塵外興懷有味世間姓
字無聞

騎牛過白雲嶺放鶴出翠松關樵唱偶歌一曲清聲直
度千山

九日寄興三首

庚申歲

故侶無心送酒老翁有意留題舊日龍山佳會如今風

雨淒淒

白髮淒涼舊里黃花冷落東籬西望夕陽歸去淡烟哀

草堪悲

黃菊香殘夜雨烏紗醉落秋風回首十年舊事亂雲流

水西東

月夜梅邊卽事

香裏寒雲滿溪月明津渡人迷夢入江南舊路夕陽流

水橋西

送阮真之宣城

江東日暮雲開敬亭千古高寒若見謝公傳語沈郎依
舊衣寬

送人侍父入吳

生子如李亞子不然如孫仲謀景升諸郎豚犬焉能侍
父遠遊

與故人叙別

六尺形軀銷瘦十年故舊西東試問市橋官柳別來幾

度春風

遊北山諸峰四首

水泠泠兮樂奏風細細兮鸞吟月隨人而有意雲出岫
以無心

山嶙峋兮壯邁水嗚咽兮東流欲尋源而遠去思絕世
以無求

約芝蘭之環珮葺薜荔之裳衣躡烟雲而高蹈世與我
以相違

折南澗之芳芷採西山之嫩薇贈佳人兮為好與握手
兮同歸

時苗留犢圖

楊子平生四畏劉郎臨別一錢甚矣時君留犢審觀三
老孰賢

題王壽卿烟雲疊嶂圖

一百八盤山路七十二峰曉寒日暮烟橫谷口雨餘雲
宿松端

題李克明翁媼起家圖

一翁以指就醋瓮取醯
吮之嘗其味之美惡一

媼持星火吹
燈備諸窮態

乃叟宵衣製醋厥妻忘寢治燈辨此難成家業遺彼不
識玄曾

樵雲獨唱卷三

欽定四庫全書

樵雲獨唱卷四

元葉顥撰

絕句

題時苗留犢圖二首

秩滿言歸父老憂
臨岐分犢較蠅頭
男兒利物忘天下
未必區區在一牛

留犢歸牛駭見聞
古今唯數一時君
設令買寵生賢嗣
未必邦人敢見分

示小兒阿真牡丹二首茶藤春暮各一首

絳色羅裳綠色襦
沈香亭北理腰肢
含風笑日驕無力
恰似楊妃睡起時

淺紅深紫間輕黃
天下無花敢比芳
素與東君同富貴
肯隨凡品擅稱王

一點檀心氣味長
向人無語舞霓裳
千紅萬紫消磨盡
猶有風吹不斷香

老紅新綠駐烟波
無奈青皇促駕何
又是一年春事了

杜鵑聲裏夕陽多

晚步

偶隨芳草踏斜暉
石徑雲深翠滴衣
兩袖天風明月上
杖頭挑得樹陰歸

秋夜看月

廣寒宮闕桂香浮
萬里無雲獨倚樓
明月滿空天似水
西風吹斷海門秋

次韻周安道憲史仲春雨窓書懷十首

縹烟楊柳千絲綠過雨
薔薇萬點紅詩句滿前
吟未穩
好懷寫在夕陽中

深院梨花呈膩粉鄰牆
艷杏褪殘脂池塘雨後
蛙聲鬧
半為官鳴半為私

茶鼎松濤翻細浪桃溪
花雨湧香泉旋尋筍蕨
春山下
不枉江南二月天

緩騎黃犢隨芳草閑倩
蒼頭掃落花醉後不知
新過雨
巖前應濕舊烟霞

破除愁悶無過酒消遣情懷正要詩燕子未來春又半
一簾花雨海棠時

長笑陳搏爭似睡深非杜宇不如歸男兒正要成功業
拭目江山看落暉

愁來倍覺詩難和醉後寧辭酒滿斟夜雨驚醒塵世夢
春風吹老少平心

一春憔悴未曾晴況是簷聲入枕鳴却恠夜來詩夢好
草塘雨過月初明

凝烟芳草入疎簾
過雨閑花點澗泉
正是清明時節近
鷓鴣啼過夕陽天

蝶懶鶯慵燕語哀
紅羞綠怨濕難開
晴窓悞聽山禽樂
又是鳴鳩喚雨來

用前韻序山家幽寂之趣呈前人十首

夕陽香徑逐東風
瘦策輕扶數落紅
信步偶隨流水去
不知身到白雲中

棠梨睡起嬌啼粉
桃杏香濃淺抹脂
自是從來肌骨好

春風寧為一花私

滿盛煮茗春波月
旋汲澆花石澗泉
客至不妨頻勸酒
醉開白眼看青天

春風綠盡江南草
夜雨紅銷樹底花
獨立斜陽多少恨
長空捲散暮天霞

興來浩飲淵明酒
醉後豪吟太白詩
獨坐獨行芳草地
半晴半雨落花時

閑中採藥雲邊去
倦後扶筇花下歸
幾度吹簫陪好月

數番橫笛送斜暉

蜂蝶漸慵春漸老詩辭頻和酒頻斟年來深識山中趣
老去全無世上心

雲舒山色千峰秀雨過蛙聲兩部鳴多謝知心峰頂月
夜深常到寢床明

樞衣穩坐栖雲石洗耳閑聽漱竹泉夜半有時長見月
人間無夢去朝天

一任猿驚野鶴猜老懷笑口要頻開高眠蕙帳春風暖

不怕雷聲入枕來

人或問予雲巖舊隱尚無恙者賦一絕答之

瘦竹長松小徑花故園泉石鎖烟霞白雲無恙青松老
依舊山中宰相家

贈畫史王玉峰

百頃風烟生畫寒萬山重疊起豪端前身莫是王摩詰
畫出娥眉擁翠鬟

題王壽卿烟雲疊嶂圖

斷岫平山點畫粗
嵐光濃淡有如無
何時直到羣峰頂
萬疊雲烟一老夫

贈寫真張小峰二首

飽歷風霜骨格粗
老來漸覺髮毛枯
形容妍醜從君畫
畫得平生執拗無

古貌清如雪後松
吟肩瘦似雨餘峰
莫將山上畊雲叟
錯擬巖前板築翁

登樓聞笛有感

笛聲吹起白雲秋
兩袖天風獨倚樓
北望中原何處是
落霞孤鶩古今愁

一聲長笛夕陽樓
總是關山舊日愁
杳杳山青雲盡處
澹烟衰草不勝秋

題赤壁圖

曹公智計世無雙
席捲南來孰敢當
濁浪翻江迷赤壁
誰知猶有一周郎

讀宋紀

顯德衰微國祚遷兒孤母寡足堪憐如何宋主迎

闕

和李本存孤字韻

夕陽山塞笛聲孤
半醉轅門語笑粗
舊日讀書蕭寺月
夜深曾到帳前無

瘦聳吟肩野鶴孤
衣冠山野禮容粗
政慚聲譽非君比
却喜功名入夢無

月冷霜寒老將孤北風吹雪勢還粗方今四海皆元濟
未信忠剛李愬無

清比梅花帶雪孤吟腰瘦減十圍粗約君淨掃南山石
共坐雲邊話有無

老首頻搔鬢影孤惜無三尺斬頑粗何當畧借天風便
為掃妖氛半點無

孫劉何苦各稱孤想是當年計畫粗若使盡忠扶漢祚
坐觀曹魏眼中無

春初卽事

怕寒猶自怯羅裳
嫩柳偷春淺
試黃青草已生
詩未就
阿連無夢繞池塘

李本存疊有和章再和孤字韻二首

掀鬚索句興懷孤
信手圍棋著數粗
病酒風情愁後減
惜花春夢老來無

新詩清侶玉蟾孤
意度安閑細不粗
鳥瘦郊寒元白俗
開元之後晚唐無

題李克明翁媼起家圖二首

一翁以指就醋瓮內取醯吮之嘗其

味之美惡一媼持星火吹燈備諸窮態

阿婆吹火燄光寒老叟嘗醯氣味酸後代兒孫寧識此
高燒銀燭照杯盤

小甕吮醯酸透骨寒缸吹焰火燒眉何時翁媼花燈下
珠翠成行捧玉卮

題靜齋手卷

雲凝不動青山老花落無聲白晝閑松影半窓清睡醒

卧看流水夕陽間

丙申大旱呈時官二首

雷久無聲電斂光老龍何地密韜藏只愁遂失蒼生望
何不留心濟四方

自夏經秋百日晴更兼無處不戈兵千疇萬畝乾枯盡
留得衰荷聽雨聲

冬夜梅邊即事

羅浮山下白雲深一枕師雄夢未成殘雪初消明月上

東風吹徹玉簫聲

冬夜聞笛出入韻

午夜誰將玉笛吹
白雲滿地濕難飛
驚回一枕春風夢
月上花梢最好枝

初夕暑退生涼

溽暑初收生暮涼
風將秋信入虛堂
芙蓉峰頂夜來雨
溪水新添二尺強

霜天曉角

耿耿星河曙欲流
角聲悲壯起層樓
滿空明月青霜重
人與梅花一樣愁

梅花分韻得詩字

木萼霜葩帶雪枝
月中香影最清奇
林逋去後東坡死
近日江南未有詩

讀宋徽宗北狩龍沙賦
忍聽羌笛吹落梅花樂

府

一聲羌笛咽龍沙
萬里燕雲獨夢家
吹入中原都是恨

如何只怕落梅花

春日午窓睡起

日移花影轉簾西
風撼松陰落研池
好鳥不鳴芳晝寂
午窓清夢醒來時

題石勒參佛圖澄手卷六首

石勒亡宗怨季龍
虎於冉閔恨何窮
佛圖果有仙人見
盍把深機悟二公

劉曜成擒一語中
漚麻老秃亦英雄
可憐只辦平常事

忘却中原逐鹿功

何須傾意扣圖澄
眼見狂劉一鼓擒
絕勝漚麻池水上
老拳毒手日相尋

推恩忘怨漚麻池
便是劉郎就縛時
成敗當年人盡識
未應惟有一僧知

擒劉竒策美無遺
石氏存亡必已知
三十六孫同日死
佛圖何不預言之

東門倚哺聲音遠
西域參陪禮義專
折節李陽吾未論

並驅光武孰先鞭

春雨晚霽

東風吹雨作絲輕
駕勒餘寒放晚晴
滿地濕雲收未盡
一簾花影不分明

幽齋夜坐效山人體

一邱一壑白雲深
一笛秋風一曲琴
夜半一牕明月色
一杯松露洗予心

晚酌山家即事

濁醪初熟正鷄肥
野老衝烟跨犢歸
源酒烹雞成小酌
醉眠忘却脫蓑衣

贈山翁二首

草廬深寄夕陽村
世路榮枯久不聞
二畝石田畊壑罷
又騎黃犢入雲深

古貌虬髯鶴髮翁
醉吹長笛卧高峰
不知胷次藏何物
鼓舞春風宇宙中

西子捧心圖

員也捐軀死諫君越王嘗膽恨尤深西施亦解憂人國
盡日攢眉痛捧心

讀荆軻傳

壯士西遊遂不還英雄千古笑燕丹至今幽薊秋風道
依舊蕭蕭易水寒

磻溪釣圖二首

渭水風生兩鬢秋平生意在釣吞舟如何八百封侯國
也逐鯨魚競上鉤

白髮荒涼釣渭濱
宅心非是為金鱗
不知絲線長多少
牽掣江山八百春

題伍子胥傳後

子胥忠孝兩難偕
破楚鞭君謝父奢
何事危言強諫日
死無賢嗣槌夫差

題三傑

蕭何二首

匹馬追亡古道傍
便知韓信世無雙
築壇不用蕭侯語

垓下焉能滅楚王

獨收相府舊圖書
形勢高低盡得知
鎮撫關中成帝業
沛公馬上豈能為

韓信

劉項存亡指顧中
君臣未定各稱雄
早知烏盡弓無用
未必殷勤謝蒯通

張良

一擊秦車水逆流
當年銳志復韓讐
偶因天地風雲合

扶立炎劉四百秋

冬景十絕

李從道麗澤詩社出題至治已未至己亥四十年矣

鷺立寒江

青苔白石魚鱗腥盡日獨拳寒雨汀疑是晴江沙上雪

黃昏一點不分明

寒江獨釣

扁舟獨釣烟茫茫醉著蓑衣不耐霜最是月明無伴侶

一聲漁笛出滄浪

霜天曉角

城上征人吹角聲月寒霜重聲冥冥孤舟萬里南遷客
起著衣裳帶夢聽

江路梅香

漠漠江雲路不分小橋流水夕陽村
嗟翁馬上頻回首
一陣東風暗斷魂

板橋霜曉

月中青女下瑤空
瀲灩寒波跨玉龍
畫角一聲天未曉

前村梅下有吟翁

茅簷曝背

門外三竿紅日遲
向陽花木暫熙熙
老翁曝背亭前坐
自取經書教小兒

書舍寒燈

青燈黃卷伴更長
花落銀缸午夜香
異日長檠珠翠裡
苦心寒燄莫相忘

梅下清吟

吟肩瘦聳白雲根興遶孤山水竹村月上南枝詩未就
暗香疎影又黃昏

紙帳梅花

銷金帳暖酒盈觴醒後依前世慮長何似白雲深處卧
春風一枕夢魂香

烟蓑釣雪

萬頃玻璃失釣磯白雲片片補蓑衣鳥聲斷絕人蹤滅
獨向蘆花月下歸

唐武則天傳

天人共憤世皆嫌垂拱能二十年誰信裙釵珠翠侶
反勝冠冕任英賢

闕

爆竹二首

一聲爆竹透雲端
驚醒蒼生睡不安
若使江淮豪傑聽
定應慚悚膽先寒

非嘗聲響聒天來
鼓動陽春海上回
偶爾驚人還寂寂
情知不是武侯雷

丁酉仲冬即景

雪水煎茶

枯枝旋拾帶冰燒
雪水茶香滾夜濤
黨氏豈知風韻美
向人猶說飲羊羔

地爐煨芋

地爐煨芋足充饑
涼薄家聲勝富兒
李密懶殘風味在
寒灰冷火澹相知

雲巢鶴睡

烟梢深處穩栖翎
標格孤高迥出羣
只恐聽琴驚夢醒

踏翻松頂一巢雲

月嶺猿啼

樹頭清嘯兩三聲
紙帳梅花睡欲成
喚醒冷泉亭上夢
嶺雲飛動月初明

玉樓吹笛

天風吹笛落天涯
萬瓦霜清月影斜
驚醒羈人猶自可
江城只怕落梅花

梅屋彈琴

欽定四庫全書

樵雲獨唱
卷四

六

琴張顛茗伴爐薰三弄梅花月下庭香影孤高音調古
空堦誰許鶴來聽

衝寒貰酒

擁被酸吟雪未晴拾樵路斷閉松扃相如病渴誰來管
自整衝寒貰酒餅

踏雪尋梅

雲碍前村路不通暗香疎影杳無蹤瓊琚踏碎知何處
月上孤山第一峰

梅梢月落

斗轉參橫午漏遲
一輪寒魄墮南枝
玉簫吹徹青霜冷
正是詩人夢破時

松徑雲深

數片和烟裊石苔
空林長惹鶴猿猜
天風吹度長松下
僮子殷勤掃不開

雪夜乘舟

月色波光共一溪
水天上下漾玻璃
孤舟蓑笠清如許

何必山陰訪戴逵

霜晨覓句

霜月淩淩獨凭闌
推敲未定怯衣單
眼前佳句無人識
詩比梅花瘦一般

枯木寒鴉

老樹經霜帶夕暉
十圍橫跨小橋西
羣鴉不怕雲巢冷
夜夜黃昏來上啼

孤松老鶴

城郭依前歲月非
巢空雲冷影相依
長松月落天風遠
時向青山盡處飛

書窓梅影

疎花冷蕊映書窓
勾引逋仙蝶夢狂
縱使春風吹散後
又隨霜月上書囊

石鼎茶聲

青山茅屋白雲中
汲水煎茶火正紅
十載不聞塵世事
飽聽石鼎煮松風

尋梅二首

石根巖畔與山陰瘦馬羸僮到處尋
流水溪橋沙路遠何愁雲密更林深

落日孤村石徑斜
挨雲深入野人家
小溪流水春風暖
恐有枝頭半吐花

松徑清遊

驢載新詩僕抱琴
白雲幽徑夕陽林
天風十里青松頂
滿耳笙簫太古音

梅影二首

寒蜂凍蝶謾驚猜，積紫春風撥不開。
霜月滿窓詩夢醒，更無一點暗香來。

夜深隨月上紗牕，粧點西湖處士房。
驚醒一床胡蝶夢，春風冷落淡無香。

贈相士二首

貌古如松卧壑秋，虬髯鶴髮炯雙眸。
衰顏未用煩公相，自許書生老不侯。

虎視陰陽膽氣粗平生事業遂雄圖不知侃侃怡怡輩
也入先生相法無

秋日南樓晚霽即景

夢破虛堂生暮愁晚雲將雨過南樓西風掃淨長空翳
留得天邊桂子秋

讀秦始皇紀

衡石稽程了萬幾日斜猶未下丹墀巡南築北關防盡
禍起蕭牆却不知

春雪

粧點瓊英上玉梢
慙人春雪遍芳郊
情知不是豐年瑞
贏得長安酒價高

清明有感

落花庭院晚風輕
芳草池塘夜雨晴
獨步獨吟消白日
閑愁閑悶過清明

得耳聾疾戲呈無聞聰老

曉枕不聞喧澗瀑
夜窓寧聽響松風
雖然未遇馬師喝

也勝前人三日聾

題卞和泣玉圖手卷二首

一獻無功便合休殷勤三獻欲何求至今寒璞荆山下
月色蒼蒼萬古秋

忍把連城價放低臨刑刖足未心灰丈夫自古慙輕獻
女子從來恥自媒

懷赤松雲巖舊隱

白雲青巖是吾家門外長松樹樹花身在異鄉歸未得

夢中猶賞舊烟霞

月夜

萬片白雲歸岫後一輪明月到天時
乾坤清氣無人識
借得樵夫短笛吹

題雪巖畫倒蘭

黃璿卿題云
嫋嫋春風一樣吹
托根高處欲何為
從渠自作顛

倒想終有懸崖撒手時
璿卿舉進士歷官至
行省左丞乞身歸私第
幅巾布衣澹如也予
喜賦一絕
于其後

托根孤峻極尊崇
俯視羣芳迥不同
到底謙恭隱君子

何曾仰面笑春風

夢故友清玉泉首座

飄零湖海昔年僧握手論心久未能夢裡匆匆忽相覩
解言雲屋共青燈

月中仙女鵝鸞圖

雲邊仙女夜鵝鸞月下霓裳舞袖寬吹徹紫簫風露下
玉容玄髮不勝寒

樵雲獨唱卷四

欽定四庫全書

集部

樵雲獨唱卷

五

詳校官檢討

臣德生

中書臣劉源溥覆勘

覆校官中書臣汪學金

分校官學正臣卜惟吉

謄錄監生臣陸潮愈

欽定四庫全書

樵雲獨唱卷五

元葉顥撰

律詩

幽居雜興

疎齋清夜醒修迳白雲長袖歸南山影心潛上國光西
風巖桂老細雨野椒黃地僻人蹤少烟扉開竹房

和張仲達客蘇州春暮覽古韻

異國逢春暮驚心對日西湖生吳水冷雲壓楚山低老

樹風霜古荒城烟雨迷夫差舊臺館花落鷓鴣啼

重陽感興

甲午歲

佳節明朝是同誰上翠微西風人易老南國雁初飛黃
菊清香晚烏紗白髮稀牛山今昔異感慨欲沾衣

次李本存見寄韻

本存江西省掾尋調永喜
縣檢秩滿寓發之道林精舍

陶令歸官後琴書對酒杯未聞丹詔起長伴白雲來夢
裡鄉關遠閑中歲月催草廬春漸暖應動武侯雷

復次本存見寄韻

寫興詩千首論心酒一杯初疑彭澤去旋喜謫仙來
老歎青衫冷愁驚白髮催從今便高卧鼻息撼春雷

送應空谷上人遊吳尋師僕於湖山泉石有疇
昔之好末章故及之

遠近西湖路高低釋氏宮猿啼青嶂月潮落碧江風鐘
鼓殘陽外樓臺烟雨中挑包明日去回首白雲東
落日南朝寺吟筇幾度登欲尋前日路去訪昔年僧浙
水生新浪吳雲暗舊燈阿師如到彼為謝嶺南能

題應上人淨深精舍

一室絕纖塵，爐烟貝葉經。
每呼明月至，常遣白雲扃。
竹色侵虛幌，荷香襲小亭。
晚來開甕牖，放入數峰青。

代張匡敬送憲史武文獻遷浙西

儒衡家世舊，氣節老彌剛。
誰謂更千古，猶能出一郎。
烏臺知姓字，白簡凜風霜。
後夜吳江月，清光應更長。

感懷

天步艱難日，人情向背秋。
慚無醫世術，喜免抱官囚。
發

憤尋青史消愁數白鷗
草廬諸葛輩幸出為時謀

午窓睡起偶吟閒花落硯池
小兒汝廉率爾應聲曰香絮粘碁局遂足成一律

睡醒碧窓虛無人松影移庭空
晴晝永徑靜夕陽遲香絮粘碁局
閒花落硯池時看烟樹鳥飛過白雲枝

題扇面景物

溪童雙眼碧照映綠波心
釣艇橫烟水漁歌起夕陰峰巔涼
月上澗底白雲深傲睨天風頂芳尊
獨自斟

小兒士康賦碧桃胡蝶二詩呈改為賦唐律示

之

王母下瑤臺瓊花溢路栽似嫌紅粉俗長傍白雲開玉
質風前舞天香月下來劉郎猶未識蜂蝶莫驚猜
粉翅舞風輕雙飛趁晚晴睽翩花日暖來往柳烟清穿
徑尋香絮過牆逐落英莊生千載夢驚醒世間情

紙帳

琴榻生虛白吟帷異馬融睡無紅霧入醒有白雲封月

窟光千丈塵寰路萬重梅窓香影瘦清夢聽松風

已酉新正

天地風霜盡乾坤氣象和
歷添新歲月春滿舊山河
梅柳芳容穉松篁老態多
屠蘇成醉飲歡笑白雲窩

七月望夕予曳杖步月直造峰頂高吟朗咏
劃然長嘯興盡而返明日山下居人咸言聞清
嘯驚醒塵夢者數十家予因賦詩以紀其事
云

藜杖策風輕芒鞋步月明鶴翻青徑影猿度翠岩聲草
露沾衣冷松泉漱石清崇岡發長嘯塵世夢驚醒

九日東籬晚興

杳杳柴桑路東籬對夕陽斷虹初霽雨新鴈欲迎霜黃
菊秋香老烏紗雪鬢涼王弘人去遠目送楚峰長

閑居效陶體

彭澤歸官後悠然對菊花風雲生杖履雨露蔚桑麻
巷僻門常設樽空酒屢賒柴桑長在望三徑接晴霞

憶先母

憶別慈顏後年華逝水流萱堂猶一日松墓竟千秋
誨育恩無盡生成德靡酬白雲空入望清淚濕衣裘

已酉雪

人世白雪封光輝萬境同江山迷夜月宇宙動春風
柳絮高情遠梨花舊夢空塞驢懷鄭蔡清賞灞橋東

九日

霜重鴈初飛江空蟹正肥黃花經雨瘦烏帽任風欹
滿

飲王弘酒豪吟杜牧詩東籬多感興况近夕陽時

晚回自赤松小桃源賦二首

仙子丹成後乘鸞翠靄間笙簫風細細環珮夜珊珊
化雲埋石猿吟月滿山桃源春欲老花落夕陽間
徑鎖綠苔新庭空市井塵草青岩洞雨松翠石林春初
起名空在留侯跡已陳玉簫聲斷久片月下嶙峋

觀史有感

閑中觀史冊感慨淚潛然幸喜平生拙驚呼異代賢張

良知說駕范蠡解乘船餘子乘酣者貪杯醉不眠

雪水煎茶

雪水烹佳茗寒江滾暮濤春風和凍煮霜葉帶冰燒陶
穀聲名舊虛全氣味高黨家寧辨此羔酒醉清宵

癸丑新正試筆二首

雪霽冰霜盡泥牛喜著鞭性情猶舊日節序又新年世
態縈宵次春光耀目前屠蘇今日酒自笑不吾先
舊臘隨宵盡新陽向曙來晴光浮竹葉春色滿椒杯穉

綠粧梅萼嬌紅透杏腮雪消江岸柳便學舞章臺

誕日

前元巳丑仲春予知命之年賢甥童中州賦詩壽予揆今二十五年矣甥亦五旬予

曾賦五言唐律一首今書於此云

常憶垂弧日俄驚學易年高情輕富貴雅志樂林泉白髮三千丈清吟數百篇行藏皆在我消長係乎天

梅亭負暄

梅屋朝暉暖融融體氣舒曲肱紅日裡閉目黑甜餘天地溫和候乾坤混沌初盎然春透髓盡晒腹中書

小春探梅

獨步孤山下來尋帶蘚枝江村流水晚沙路夕陽遲僧
屋閑雲選人家小竹籬春風吹薄袂細細襲詩脾

採蓮歌

越女浙江頭烟波萬頃愁往來荷葉浦蕩漾木蘭舟
島濶香雲冷江空明月秋清謳三四曲聲斷白蘋洲

秋日有懷帥府李從道二首

雨後復斜陽天風兩袖涼黃花秋夢淡紅葉晚晴長訪

舊心千里澆愁酒一觴詩翁定何許西望白雲鄉

子別金盆後烟嵐野鶴愁心應遊壯里身尚寄南州落
月雙溪夢西風一劍秋夕陽山下寺時憶昔年遊

東方有一士

東方有一士不結塵世緣朝卧空山雲暮汲石澗泉行
吟夜月中醉舞春風前問之竟不答一笑三千年

鑿井

高原鑿深井水流深淙淙三巖清肺腑凜然冰雪容雲

埋石甃冷月照山泉空汲引君勿辭是有神龍

蠟梅

春滿紫綃裳淡黃宮樣粧
薔薇露下色山麝晚來香
月下開金盞風前換玉裳
尚餘風骨在疎影卧寒塘

讀致和改元詔

聖德如天大皇風四海清
乾坤新歲月邱壑舊心情
詔旨宣金口臣僚拜玉京
江南遺叟說垂老願昇平

懷湖山靈隱朋獨孤書記

每憶湖山下烟嵐半有無西風肥芋粟細雨老菰蒲世
事秋雲散禪心夜月孤輕包連瘦策吾亦夢江湖

次韻送即府李從道考滿赴都

山中忘歲月世上變炎涼竹帛虛名盛松闕野興長贈
詩無好句話別欠離觴道過濟南府光輝衣錦鄉

送天台僧雪中入杭

杖策路迢迢經年別石橋厭聽方廣磬去看浙江潮雪
透麻鞋冷雲和布衲挑舊時清隱地月落故山遥

憶三衢徐志允

磊落三衢士身今在翰林滿斟徐邈酒高誦杜陵吟燕
北身名重江南感慨深金鑾坡上月應照故人心

春夜遊西園

春色晚來濃良宵興未窮海棠呈膩雪楊柳舞香風蝶
夢翻花冷蟾光度酒空西園人未散飲罷滿城鐘

訪赤松道士不值

仙翁何處去殿古白雲深丹竈留殘火青烟鎖近林尚

遺羊化石應誤鶴聽琴舊日同遊處山空住夕陰

遊赤松宮二首

杖履策天風桃源路萬重草藏羊化石雲護鶴巢松藥
化留丹井蓮開老翠峰初平與初起吾亦願相從
神仙遺舊宅地迴絕纖塵丹井雲封古青山雨洗新桃
香巖洞雨芝老石田青近日來遊者多非避俗人

贈修真羽士

道人容貌古縹緲隔烟扉採藥穿雲去尋真跨鶴歸久

嘗芝朮味慣著菱荷衣拍手蓉峰頂相招上翠微

題劉阮遇仙圖

山中風景美劉阮此忘家犬吠尋真客泉香出洞花衣
冠猶漢代飲饌入胡麻莫戀人間世人間日易斜

贈漁父

短笛逐秋風孤舟釣月中綠蓑烟浪遠白髮世情空不
讓嚴陵操寧貪范蠡功江山無限好蘋白蓼花紅

贈牧童

牛背夕陽紅行行逐斷虹烟迷青嶂雨雲度小溪風短
笛江村晚長吟宇宙空幾回芳草岸高卧月明中

春雨

雲罩千山暗恩沾萬物春溶溶添細浪點點濕芳塵紅
洗花容淨青滋柳色新東郊農事動漸快一犁人

春晴

曉洞雲歸濕春山草木新天桃含宿雨嫩柳裊輕塵蝶
翅寒猶怯蜂衙晚漸陳香風簇羅綺已有踏青人

池塘春草

春色滿寒漪
萋萋欲染衣
晚烟迷淺碧
斜日映清輝
靈運名空在
王孫去不歸
一春無好句
詩夢近來稀

梅邊索句

茅舍白雲麻
廵欄笑撚髭
暗香覃雅思
疎影入新詩
江路東風冷
溪山落月時
苦吟吟未穩
清興遶寒枝

落梅

一夜東風急
南枝數片殘
何人吹玉笛
獨自倚朱闌
落

地魚鱗薄尋香蝶夢寒醉眠花樹下偏得壽陽歡

題丹丘圖送周元善台州直學

去去丹邱客雲山萬疊深吟鞭驅瘦馬倦僕負孤琴
水鄉關夢蓉峰故舊心杏花明月下莫忘寄遺音

和王存誠遊洞天

昔我遊洞天意馬得休止平生塵土夢盡向滄浪洗
回首名利場十年不掛齒去去青雲端褰衣訪平起

宿智者草堂

夜宿蓉峰下烟嵐鎖翠鬟鐘鳴黃葉寺月上碧雲關
老虎蹲危石吟猿啼亂山明朝出城市清夢落塵寰

智者寺僧往金陵

聞子攜餅錫孤舟至建康遽辭婁約寺遙禮寶公坊
松子僧前落梅花客裏香莫同胡達磨無語達梁王

贈宦遊張平叔

乾坤英氣客湖海倦遊人看鏡始知老見人寧話貧
功名驚壯志琴劍誤閑身何日秋江上清波洗宦塵

過栖碧何羽士舊隱

泉石渾無恙仙翁去不回雲深香木老澗冷碧蓮開
劍掛松關月丹遺藥灶灰昔年修煉地長誤鶴飛來

代居官寄友

不信宦遊拙功名未有成半生燕北老十載越南征每
嘆黃金盡空驚白髮生何時燈火夜相與話歸耕

久客寄隣叟

久客秋仍晚烟霞鎖敞廬晴江思共釣雲嶺憶同鋤貧

賤交情薄飄零酒盞疎何當風雨夜歸讀舊時書

霜晨二首

殘月過樓臺霜鐘驚夢回畫開煨芋火撥盡滿爐灰旋
整雲邊屐閑尋雪裏梅春風深有意頻送暗香來

琴榻對山城僧鐘半夜鳴玉簫音調遠紙帳夢魂清霜
重蟾光冷山空鶴影驚南枝芳信動春色正闌情

霜夜

霜冷月交輝春風暗透肌襟懷添醞藉宵次發新奇斟

酌酬佳景推敲話舊詩暗香生薄袂疎影寫枯枝

與客話湖山佳勝予足不至者四十年因賦此

以叙舊事

不踏湖山路驚心四十秋六橋前日夢孤棹昔年遊
歲月浮雲改興亡逝水流西風吳嶠寺落日浙江樓

幽齋秋晚

木落遠山佳荆吳接兩淮秋深紅樹嶺人老白雲齋
竹色頻侵袂苔痕欲上鞋宵深明月色清爽透吟懷

山居即事

吟榻障松屏，巖扉護竹亭。
臨風梳白髮，對月讀黃庭。
澗古千尋碧，峰奇萬疊青。
彈琴坐雲石，頻惹鶴來聽。

圍棋

黑白未分時，其中一著奇。
已空生死見，寧墮戰爭危。
持重機常速，爭先計或遲。
捐微存大勇，勅敵盡吾歸。

日暮江村雜興二首

杖屨陟崇邱，絲綸釣淺洲。
衝煙遊野寺，玩月上溪樓。
屢

訪雲林鶴閑盟沙路鷗漁歌音調美聲撼半江秋
釣艇已收緡無人深閉門雲生沙上石月出水南村寂
寞寒潮遠微茫烟浪昏孤舟中夜笛感慨動吟魂

江村晚景

華髮映清流江山事晚遊雲舒江影淨霜落水痕收鴈
陣新橫浦蟾光欲上樓鐘鳴楓樹嶺秋老荻花洲

孤舟夜泊

舟一作洲

烟棹越波東漁歌逐斷虹雲粘青樹冷潮駕翠濤空夢

醒孤舟月情舒短笛風曲終秋漸老江濶暮山重

漁舟晚泊

釣艇近黃昏孤篷載夕曛烟潮歸柳巷涼月出蒲根短
笛雲端弄清謳夜半聞漁燈明復滅寂寞度前村

山莊卽事二首

倚檻看雲飛開簾放燕歸草生烟翠冷花落晚紅稀對
酒歌金縷彈琴弄玉徽醉醒深院月芳影上荷衣

策杖步松關啣杯看遠山青鞋陪月出翠袖裊雲還芳

草斜陽外落花流水間山林多樂意無夢到塵寰

春晚

春去欲何歸江南古路岐日長鶯燕懶花謝蝶蜂疑香
遲紅應減高峰翠益奇薰風琴調遠衆綠上芳枝

晚窓

紅日轉巖扉幽人清夢迷遠遊黃葉徑橫過白雲谿芳
興隨流去高情與嶺齊莊周身外蝶栩栩栢庭西

山莊小隱

茅屋小柴門前峯烟樹昏夕陽芳草徑霽雨落花村竹
下安茶竈山邊置酒尊吟翁常歎曲佳句細評論

辛丑年亂後歸故園

亂後鬚兼白春來草復青水環垂釣石雲護讀書亭與
客論孤憤從人笑獨醒艱難思避世貧賤欲忘形

遊山夜宿僧寺

翠袖倚天風雲封路萬重屢登猿嘯嶺頻撫鶴巢松漁
唱孤舟曲僧撞半夜鐘山空禪榻冷月上碍星峰

江邨晚景

野水溪橋外，荒村八九家。
雨晴漁網晒，風定酒旗斜。
紅樹霜江葉，黃蘆月岸花。
何當從此隱，重整釣雲槎。

題溪翁隱居

小徑入雲斜，幽居魏野家。
庭軒環竹石，牕牖納烟霞。
戶外經霜樹，堦前浥露花。
童沽邨店酒，婦煮石爐茶。

客至

有客過山家，停驂暫脫車。
旋呼徐邈酒，新煮玉川茶。
命

子開東閣呼童掃落花殷勤話疇昔握手入烟霞

疎齋睡醒

石枕翠松屏吟翁清夢醒風前搔白髮月下讀黃庭棗
熟從猿摘琴彈喚鶴聽南山新霽雨秀色入虛櫺

江樓晚眺

人倚白雲樓蟾陪翠浪遊天高峰影淨潮落水痕收楓
葉孤洲冷蘆花兩岸秋漁舟清唱曉聲斷玉溪頭

秋色

弄雨玉芙蓉經霜蒼翠松池蓮銷艷質岸柳作衰容菊
圓香方溢蘋洲態更濃蘆花迷夜月楓葉舞霜風

晚興

談笑策藜筇丘園興正濃
點書研竹露煮茗聽松風
吟詠詩懷爽疎狂世慮空
古今興廢跡斜日落霞中

立春日

欲寫宜春事先書餞臘篇
詞華輝壁月文彩麗晴烟
金燕寒歌鬢泥牛曉試鞭
香風匝羅綺語笑競秋千

雜興

吟詠譙芳庭荆扉晝不扃
溪光流坐席嵐影透窓櫺
砌蘚青粘屨崗松翠列屏
夕陽江上路曳杖定鷗盟

正月上晴雪中賦

天女美丰容乘鸞過海東
清標光奪月素質影翻風
柳絮情應遠梨花夢未終
鶴栖瑤樹冷龍躍玉波空

秋日懷故人

十年湖海別歸興晚嗟峨人遠
黃花瘦秋深白髮多鄉

關愁隔絕歲月苦消磨對酒頻相憶涼蟾宵渡河

幽人雜興二首

行樂興懷濃歡遊酒盞空久諳塵外趣殊乏世間功徑
竹題新綠庭花掃落紅短筇歌霽月長袖挹天風
歡笑樂常與何曾浪皺眉忘懷頻喚酒得意數吟詩徑
草含烟軟庭花過雨奇歌酣天宇濶睡足夕陽遲

次韻項叔道見訪

青山茅屋下誰肯顧寒微貧賤論交寡功名入夢稀致

身雖有術臨事要知幾異日天風頂偕君試一飛

次張縣尉韻

烟霞深處客猿鶴慣同棲坐久雲橫谷吟殘月滿溪不成塵世夢寧為利名羈醉脫荷衣卧幽琴懶更攜

閑情二首

蒲散兩眉厖疎狂似老龐慣遊栽菊圃長坐讀書牕漁笛閑中弄僧鐘醉裏撞興來陪夜月孤艇釣寒江

歲月任消磨閒中得趣多戲題紅葉字醉唱紫芝歌雨

笠耕雲嶺烟蓑釣月波數鴻臨淺浦騎犢下前坡

幽齋清興二首

清興正悠悠偏欣汗漫遊乘閑登翠巘獨步訪丹邱慣
著穿雲屐頻撐釣月舟高情方浩蕩更上碍星樓

嵐光浮戶牖竹色上欄干吹笛驚秋老彈琴生夜寒喚
猿來月下放鶴出雲端長負江湖興西風一釣竿

江村睡醒

霜重五更鐘簫聲半夜風梅香方旖旎松影正朦朧睡

醒吟肌爽神清世慮空孤洲烟艇冷漁唱月波東

玩月

桂魄滿晴穹徘徊牛斗東清光流海宇寒彩散天風兔
躍青霄迴蟾遊翠浪空吟翁肌骨爽步入玉華宮

江樓

華髮鬢颼颼吟筇作勝遊閑中三弄笛飯後一登樓對
酒思王粲凭闌話莫愁澄江鴻鴈影聲斷夕陽洲

幽人高興

瀟洒寄岩邱人間世外游霞杯風月笛雲佩雪霜裘調
古無勞和年高漸寡儔絲綸三百尺獨釣五湖秋

溪翁

漁唱雜樵謳茶鐺繼酒甌醒吹雲外笛醉掉月中舟潮
駕千尋浪風生兩岸秋古今多少事睡醒蓼花洲

月夜孤舟二首

風定翠濤平芳洲孤棹輕僧鐘穿嶺響漁笛隔江聲雲
傍西岩宿蟾登北嶼明烟波遺世叟心似石潭清

雲去越山青江空霽月明鐘鳴峰頂寺潮到石頭城牛
女中流現魚龍半夜驚停杯呼李白吟詠倒餅罌

興懷

泉石興方濃功名夢已空髮緣吟苦白顏惜飲酣紅酒
建和愁策茶成遣困功自慚無妙術唯解醉春風

題烏衣巷陌圖

千載烏衣巷荒涼日易斜昔年丞相宅今代野人家庭
池生楓樹堦蕪長草花春風無主燕夜雨為官蛙

晚牕

睡醒兩眉厖殘陽漸上牕已欣詩滿袖復喜酒盈缸放
達齊莊叟風流類老龐襟懷清且靜涼月下秋江

幽情野趣二首

嘯斷碧雲巔吟歸青嶂邊送蟾遊海嶽喚鶴舞林泉獨
釣西江水躬耕北嶼烟踏穿三徑屐撐破五湖船
月上小山坡風吟高樹柯朗吟青樹嶺高卧白雲窩天
地烟塵靜闌河感慨多慚無經濟術空老舊岩阿

喜李公度留題僧壁

醉筆濡蟾彩芳逾天女花吟胃繁錦繡僧壁舞龍蛇句
語香千古辭華擅一家已呼紅袖拂更遣碧紗遮

幽居

半掩夕陽扉閑陪夜月歸漁歌隨浪遠樵笛入雲飛野
鶴曾相識沙鷗久見機潺湲東澗水常護釣魚磯

野興

門徑久荒無謀身計畫無酣歌聲正遠清睡興尤孤簡

樸衣冠野踈狂語笑粗山遊方自樂世譽不須沽

春暮

睡起近斜暉庭花晝掩扉人從忙裏老春向醉中歸宿
雨香紅徑閑雲冷翠微沙鷗西澗浴野鶴北巖飛

野客清歡三首

神清肌骨爽慮淡夢魂安夜月橫吟榻秋風理釣竿醉
來長袖舞興動短琴彈對客頻呼酒忘情各盡歡

雨過晚峰青無人門自扃溪光浮竹几嵐影落松屏雲

滿煎茶竈春生賞酒瓶酣歌天地裡醉卧秋風亭

石鼎煮春茶瑤杯斟紫霞豪歌聲俊爽歡舞影歌斜酣
醉眠芳草顛狂藉落花醉來新月上人笑忘還家

季冬梅花未放

么鳳跡難尋寒蜂恐爽盟暗香猶髣髴疎影不分明南
國春仍淺西湖雪屢晴師雄空入夢和靖最關情

逸興二首

清興寄林泉孤蹤遠市廛扶筇芳草徑吹笛落花天滿

載西江月躬耕東野烟機關俱不識人笑葛洪仙

頗有烟霞癖全無市井喧神空將汗漫性靜樂邱園飽
玩松雲鶴頻呼月樹猿溪光常入枕山色遠迎軒

野趣

嵐影上衣袂溪光滿竹間雲峰明月徑烟樹夕陽廬柳
下尋詩策花邊載酒車南山經雨豆草長正堪鋤

幽庭寄傲

門掩曉風輕庭環澗水深醉吹風裡笛靜鼓月中琴黃

卷知興廢青山閱古今久忘塵俗事
偃息夕陽林

晚興

教鶴復盟鷗看雲獨倚樓
笛聲千嶂月琴調一庭秋
木落山俱瘦江空水自流
夕陽烟柳外蓑笠釣魚舟

春日酒邊

予身無繫縛去住政如萍
泉石閑堪玩功名老不驚
青山常入夢紫綬不關情
酒到頻歡飲杯空逐旋營

江村過雨

雨趁斷虹收霞隨孤鷺遊
蟾光流斷港鴻影落芳洲
萬疊雲峰暮一江烟水秋
溪聲連野色漁唱伴樵謳

春遊晚歸

小雨雜烟霏晴光弄夕暉
鳶紅侵酒竿空翠潤琴徽
風襲吟翁帽雲香野客衣
殷勤花徑月寒彩照人歸

雲峰雅興

高卧碧雲岑清談翠竹林
疎狂交牧園勲業謝冠簪
江月清吟腑松風醒醉心
焦桐絃久絕三弄發奇音

丁巳秋暮

吟嘯倚奇峰清遊衣袂風落霞孤鶩外斜日斷虹中垣
竹流寒翠江楓舞晚紅芳洲漁唱遠烟冷碧波空

晚興

蝸舍水雲鄉巢棲蝶夢長竹搖丹鳳舞松撼翠蛟翔鶴
影深秋瘦蟾光半夜涼自慚無汗馬牛背度斜陽

江路晚遊

吟袖舞天風輕鞋策瘦筇濕雲辭怪石涼月上奇峰樵

唱穿林曲僧撞出嶺鐘橫江清夜鶴歸宿大夫松

幽居

門對北山峰牕迎越水東松枯青嶂老花落翠岩空幽
谷飄晴雨虛堂含晝風相羊烟柳外吟嘯夕陽中

古意

江漢遨遊女吹簫伴月明曲終人又去聲斷意還驚雲
盡湘潭暮潮回浙水平英雄今昔事日落遠峰青

幽棲

若問幽棲地吾廬住翠微步隨青草遠興與白鷗飛
衲
衆秋雲去囊挑夜月歸塵埃雖滿世難染芰荷衣

與錢提領

錢鏐千載下何幸出斯郎鼻祖聲名盛聞孫姓字香
吳
山歸夢遠越水宦情長幕府誠淹滯期君仕帝鄉

次韻賈逢源見寄二首

不成驚世事媿讀古人書老去功名懶貧米故舊疎
白
雲生戶牖明月宿庭除亦有無心者攜琴訪逸居

短髮彫秋鬢天風快晚晴閑唯欣有味老不歎無成白
石和雲煮青山帶月耕無心少年事慷慨樂從征

江村即事贈人

長笛倚風吹江邨對夕暉烟迷前岸柳月照後園微髮
白何勞鑷山青正好歸塵埃方滿世慎勿染荷衣

午夢感邯鄲舊事

清睡午炊香槐安仕路長征遼辭激切憂國志忠剛赴
召新承寵遭讒復致殃危疑忽驚悟大笑海蟾涼

遊賞清樂四首

烏帽翠雲裘行藏得自由
月宵尤醞藉天路更風流
不作塵中夢甘為世外遊
林泉堪縱目勢利懶回頭

華髮雪霜眉頻將羽扇揮
兒童呼矍鑠樵牧笑希夷
不識當今諱寧諳薄俗機
清歌三四曲猿嘯鶴驚飛

竹杖芟荷衣青鞋白接羅
腹儲徐邈酒胃貯杜陵詩
白髮搔風短青山過雨奇
杯酣芳興動簫管倚雲吹

野服帽頻欹登臨倚翠微
清烟哀柳外孤鶩落霞飛
草

露粘芒屨松雲上布衣清吟山路晚瘦策踏斜暉

贈一教官遊學者

燈火老書牕功名志未忘青衫驚歲月白髮老風霜累
作東吳夢頻觀上國光十年猶未調感慨憶馮唐

城中一佳士贈所知

城中一佳士借問不言誰解唱無聲笛能吟落韻詩三杯
隨分酒一局不爭碁到處無人識唯應野老知

次密印精藍光上人韻二首

疏飯度春秋何心向外求但能存取舍自足絕恩雠
歲月驚青鬢風霜變白頭騰騰常任運無果亦無脩
石邊清睡醒松下獨吟餘小徑雲收後空林月上初
梅香凝几紫竹影掃堦除湛湛長空淨纖埃半點無

送蕭君祐憲史陞南臺掾二首

建康人

漢朝丞相喬臺閣憤懣膺雲海橫孤鶚天風快俊鷹
幾年居寶婺後夜發金陵李白題詩地閑干試一凭

霜臺新聘客家世出蕭梁况乃辭江浙翩然往建康六

朝烟樹老千載暮雲長見說孫郎宅青山帶夕陽

送憲奏差丘魯瞻還荆江二首

堂堂烏府士聲已播錢塘投劾驚神鬼
摘詞凜雪霜潮回吳渚冷月落越山長
西浙今非昔期公正紀綱人才天下望
豈但魯觀瞻清冷雙溪水高寒半夜蟾
時賢多自逸吾子獨能廉去去西湖路
荷香漾酒帘

樵雲獨唱卷五

欽定四庫全書

樵雲獨唱卷六

元 葉顥 撰

律詩

重九後菊

士辰年小籬黃菊節後始華異香芳容不類餘者惜其間不應時如絕筆

之麟又似吾性倔強好與世欲背馳豈其以予無酒酬酢故避之抑將恥伍凡下不欲與之同出伏其哀謝然後獨步西風否則賦性謙退不欲爭先羣品特殿於九日之後耳賦

唐律一章

見意云

癡蝶狂蜂未用疑從來根性懶趨時情知不少爭先輩

故遣遲開殿後枝斜日園林方冷淡西風天地特清奇
芳苞小藥秋香老不是淵明斷不知

題友琴堂

疇昔知音托久要同聲相和更同條嗟予無用頭甘禿
顧子多材尾亦焦七尺身長形固美兩翁調古腹空枵
何當共坐虛簷下握手論心到月高

山館酒邊即事和何仙翁韻

但須獨酌杯中酒何用千秋身後名才拙更無醫國伎

家貧猶有讀書聲
岩花落樹香雲影
庭竹迎秋伴月明
醉坐石床橫短笛
天風吹斷世間情

登八詠樓

我是東陽老布衣
沈腰銷瘦勝當時
非常胸次能無酒
如許江山政要詩
今古可驚渾似夢
英雄未死恰如棋
齊梁耆舊俱塵土
落日荒城草木悲

題余仲楊松雲齋手卷二首

白雲來往青松頂
樹老雲寒歲月深
雲去人間化甘澤

松留天地作清陰孤標素有衝霄氣高躅曾無出岫心
已喜卷舒皆在我何妨偃蹇卧豐林

幽人住在松雲下雲白松青十里程揀得好枝延鶴宿
掃開輕翳放蟾明栖巖枕石衣裳冷倚樹吟詩格調清
早晚移家近君屋飽看烟靄聽濤聲

次衛律本憲史紅梅韻

本是孤山雪裏花朱唇得酒改容華貪勾南國佳人面
忘却西湖處士家一種暗香凝夜月十分嬌韻醉晴霞

鄰牆艷杏誠非伍須信南人語未差

復次前人綠萼梅韻

老兔春香細搗霜更添藍澱越風光喚回庾嶺春風夢
染出羅浮月夜芳日暮冰魂啼翠袖雪殘玄鬢舞霓裳
近來姑射梳粧別說與林逋合斷腸

送東陽吳縣尹

東陽有玉山

東陽天下佳山水君到其中地益靈恩惠有如銀浪潤
姓名高並玉峰清桃香春暖遊峰喜琴調秋高老鶴聽

父老新鐫去思石白雲來往護碑亭

題王壽卿烟雲疊嶂圖

青峰盡處更青峰
爛墨淋漓慘澹容
雲裹長松三百尺
烟迷荒嶠十千重
層巒岌嶭如棋布
空翠清寒勝酒濃
添寫詩翁嵐影裏
羽衣霧縠駕天風

題幽居

隔溪春色兩三花
近水樓臺四五家
濁酒不妨留客醉
好山長是被雲遮
松根淨掃彈琴石
柳下常維釣月槎

路狹不容車馬到只騎黃犢訪烟霞

乙未八月二十二夜夢宿山寺與僧講道論詩
不覺夜分僧賦一聯云鶴向白雲棲處宿僧
從青嶂影邊歸覺而微改其句足成一律云

天風吹夢過招提瘦策迢迢扣夕扉鶴揀白雲枝上宿
僧從青嶂月邊歸杉松韻古調清樂苔蘚痕深染敝衣
多謝山靈能念舊此心焉敢忘烟霏

二月江城見梅二首

二月江城第一枝怕寒故故著花遲不嫌艷杏天桃俗
甘受狂蜂妬蝶疑月落西湖驚舊夢雪消南國憶當時
樓頭亦有霜天角懶對春風暖日吹

桃杏紛紛正得時疎梅高潔合知幾如何萬卉嬌春日
猶有孤芳駐夕暉未要板橋尋蠟屐最宜沙路試羅衣
輕鞋小扇孤山下絕勝逋仙踏雪歸

秋齋雨後月出即事

雨後虛堂清夢長不堪風露襲荷裳濕雲散去山容瘦

新月飛來海氣涼
丹桂生香秋兔老
青松舞影莫蛟翔
騷翁不管茅齋冷
滿挹蟾光入酒觴

送李本存歸江西新喻州本存儒學教授歷省
掾為御史所論改溫州海隅廵尉賦三律贈
之

又攜書劍過江西
長缺三彈一振衣
風景不殊人自老
江山有異鶴空歸
閑雲仍舊封吟榻
流水依前護釣磯
去去鄉關莫回顧
春風吹老故園薇

獻賦論兵計已疎
扁舟歸去意何如
豈無醫國三年艾
空讀傳家萬卷書
處世固當同鳳鳥
還鄉端不為鱸魚
故園泉石應無恙
依舊青山帶月鉏

去就輕於出嶺僧
烟包挑月一枝藤
十年湖海孤蓬雨
萬里關山半夜燈
後進衣冠皆有用
先生才調獨無能
送君歸洗征塵淨
高步雲岑頂上層

彼州有山
名雲岑頂

春日雙溪晚歸

萬頃晴波蘸夕暉
冷冷寒碧浸漁磯
水流不盡隨雲去

潮落無聲帶月歸
桃岸春深紅作陣
蓉峰烟暖翠成圍
江山風景能如許
可是休文解賦詩

懷湖山隱者

并序

湖山隱者不知何許人
往來湖山間
麻衣草履竹策
紅巾問其姓名則笑而不答
蹤跡似詭異而辭情慷慨
神思清遠未易量者
寡結交少許可性不喜譽人
亦不沽譽於人也
嘗與人談論古今斟酌時事一言
不相合引而去之不復回顧近不知所之云

湖海無求放逸人不將清夢出邱林
喜吹異代秋風笛
解鼓空山夜月琴
驚嘆時危如有意
貪眠雲暖又無心
邇來蹤跡難尋覓
高卧岑巒萬疊深

和李本存見寄和周府判感時遣懷韻二律

家山無恙尚如新
忍著征衫染世塵
功業謾彈三尺劍
琴書空老百年身
黃金散盡頻添恨
白髮閑梳政慘神
斯道未亡公論在
老翁未必久沈淪

世態紛更幾度新
笑看馬首沒黃塵
幸無寵辱驚清夢

喜有林泉慰老身
雨後溪光尤潋灩
雲舒山色越精神
年來深得歸耕計
甘學愚蒙但隱淪

述懷三首用前韻寄本存

照眼奇峰朵朵新
荷衣雖破喜無塵
莫嫌甕牖難容膝
也勝儒冠解悞身
好飲點頭呼酒侶
不貪拍手罵錢神
山中清賞無窮盡
忘却高翔與下淪

貌古何妨語笑新
寧憂勲業鏡生塵
芙蓉露下三更月
葡萄風前七尺身
偶爾忘懷非造理
或然閉目獨凝神

老身疎懶無迎送高卧從人話隱淪

乾坤清氣四時新獨倚天風絕點塵
白酒最能開笑口青山儘好著閑身
松根對奕棋無敵柿葉題詩筆有神
幸有世間真樂在貧夫何苦嘆湮淪

謝姜明德學錄見醫膏肓痼疾二首

少年曾讀活人書壯歲能為死馬醫
學究岐黃惟我許術參盧扁少人知
鼎中九轉丹垂就肘後千金世莫窺
舊有烟霞泉石痼飲君一匕頓成詩

偶然奇疾在膏肓謝子慇懃數送方豈但獨除前日苦
更能頓歇晚年狂雲邊丹杏香方美世上黃粱夢正長
時事轉艱吾鮮樂取餐芝朮訪仙鄉

次李本存宦遊困滯韻

天風吹落海門槎一片歸心未到家空羨青衫紫綬
長驚白髮岸烏紗當年鳴鳳曾栖竹近日飛蠅遽集瓜
時世輕浮君已識不須多笑子陽蛙

再次前韻二律喜其寄傲僧廬深得幽寂之趣

健理烟波釣月槎困眠雲屋野僧家清談自足酬玄旨
佳句仍堪罩碧紗蕭寺借栽陶令菊祇園分種邵平瓜
翻經石上琴彈罷最喜良宵兩部蛙

少日心存漢使槎老年詩到晚唐家床前古鼎烹茶灶
頭上涼巾漉酒紗繞屋鋤雲多種竹鑿池分溜廣澆瓜
空庭草色休頻剪留護堦除鼓吹蛙

復次前韻述懷寄前人二首

七尺長軀卧老槎白雲飛處是吾家虛牕竹影侵琴榻

石鼎茶香襲帽紗，
壯闕無書難獻策。
求門有地易栽瓜，
秋風半世空山夢。
驚醒池塘月夜蛙。

身似江湖不繫槎，
青山是處儘堪家。
手揮雲翰千番紙，
鬢裡霜髭一幅紗。
時事固然輕土苴，
吾年衰矣嘆匏瓜。
何當脫屣人間世，
不雜喧譁井底蛙。

擬挽唐思仁

芹老香寒泮水流，
生平琴劍兩悠悠。
讀書不辦黃金印，
作記空登白玉樓。
吟骨已隨霜月冷，
詩魂長伴暮雲秋。

悅齋文墨傳家業分付孫郎地下脩

再次槎字韻述懷

形容枯似飽霜槎身老空山處士家一徑梅香雲滿地
半窓花影月籠紗常穿謝氏登山屐慣設孫郎餉客瓜
離亂固非疇昔比池塘難得為官蛙

讀金中孚詩

珠玉篇章語不凡宋唐佳句晉清談雲分霞彩流銀漢
月借波光下石潭老鶴唳霜樓未穩孤鸞對鏡舞初酣

直從瘦島推敲後今度詩人數二三

再次前韻

予與其父舊識
詩中故及之

乃父仙游竟隔凡不圖老共阿戎譚
千年白壁沈滄海一顆驪珠耀碧潭
羣彥進趨心正渴獨君高卧睡方酣
幽懷亦笑狙狂者唯數朝三與暮三

喜余仲楊陪樞掾俞公芳催兵海道歲晚遠歸
羽檄催軍歲晚歸海南消息定何如腰邊雖少封侯印
囊底應多盪寇書越水閩山牽舊夢蠻烟瘴雨襲輕車

短衣匹馬男兒事莫戀邱園月下鋤

王弘道下訪別去十年矣至正戊戌遷制東憲

史相見如夢寐論心話舊不覺憮然賦二律

見意云

白髮相逢兩故人共談時事欲霑襟
老來喜有歸耕樂
亂後慙無濟世心
常說文章非事業
深知書劍誤冠簪
如今得似終南叟
萬疊青山一曲琴

詩酒分違各一天
相逢鬢雪笑垂肩
自慙衰貌非前日

猶喜清談勝昔年
閱世只堪三嘆耳
論心幾欲一潛然
何時吟騎重來訪
夜雨清燈對榻眠

弘道見和復次前韻

羨君詩格類唐人
習次冰霜月一襟
句律老成前輩語
衣冠新樣昔賢心
豈無青眼觀良璞
爭奈黃塵襲敝簪
早晚南山坐雲石
邀君來聽絕絃琴

自許餘生不問天
樵夫漁叟得齊肩
豈期輦鼓轟天日
猶有篇詩慰暮年
白髮滿頭驚老矣
黃金擲地喜鏗然

襪才敢共元龍並何但高樓上下眠

再次前韻凡三疊

覲面依然舊日人祇添塵土上衣襟
睽床夜雨思前話
十載春風老壯心
松徑任教雲滿袖
宦途莫遣雪盈簪
山家活計還知否
詩卷茶餅夜月琴

車馬重逢喜二天
詩翁仍舊簪吟肩
風塵有恨彫雙鬢
歲月無情老十年
紙上虛名俱夢爾
杯中真樂出天然
別來學得安心法
淨掃青山枕石眠

慮遠憂深感慨人出奇策滿胸襟抑強扶弱平生志
激濁揚清舊日心思向明時呈利器肯隨流俗著塵簪
秋風異國無人夜獨鼓空山月下琴

林泉深處不朝天野服裁雲補兩肩閉戶讀書頻謝客
入山採藥動逾年松根長嘯心清甚石上豪吟興浩然
盡日更無身外事因尋芳草落花眠

江左風流絕代人雲裳蘭佩更風襟政多感物傷時恨
常負憂君為國心三獻無功羞抱璞十年不調欲投簪

酒酣拔劍空長舞誰識中郎費下琴

醉吹長笛夕陽天醒拍希夷魏野肩
岩下烟霞常滿地世間榮寵不多年
採山釣水常隨分賞月吟風得自然
松頂日高三十丈老猿猶抱白雲眠

用前韻寄李本存二首

浮雲常是蔽青天黎庶何由擔弛肩
鄉社音塵空入夢干戈休息果何年
石邊清坐真閑者世上狂圖不坦然
安得中山千日酒與君長醉日高眠

獨憐湖海倦遊人，忍泣牛衣淚洒襟。
經史沈酣千載志，功名辜負半生心。
空驚繫肘黃金印，徒羨峨冠碧玉簪。
何似麻衣破紗帽，石床雲屋理瑤琴。

至正己丑端午日感懷寄輝東陽一詩至戊戌
重午又十年矣王弘道見而和之其語句俊
爽清健復次韻美之

奇如霄漢舞天吳，壯似英雄敵萬夫。
錦繡心腸人未識，林泉冒次世應無。
久空蕙帳秋猿怨，近宿芹堂夜鶴孤。

況是東南重干節湘江烟暝楚雲疎

時弘道寓金華學舍

次李本存端午見寄韻二首

功名驚世久無圖
泉石膏肓癖在吾
滿眼干戈方爛漫
繞園蘭艾亦荒蕪
蒲觴未飲心先醉
松徑長吟興不孤
賴有故人知我意
肯同阮籍哭窮途

獨醒孤坐與誰同
懶把衰顏換酒容
素負歲寒齊檜栢
不將春色悞芙蓉
堂堂陣美誰能犯
整整師嚴孰敢衝
萬里白雲風捲盡
蟾光飛上楚烟峰

再和前韻

天下關山入戰圖，異鄉為客倍愁吾。
江淮遠近連烽火，里巷高低長草無。
堅卧謾愁兵甲滿，獨醒寧怕夢魂孤。
太平氣象猶如舊，痛飲蒲觴醉道途。

今年端午去年同，老去閑身轉不容。
幾欲入山穿薜荔，常思浮海採芙蓉。
傷時倍覺愁腸結，罵賊徒添怒髮衝。
何日果能忘世事，楚雲湘雨小孤峰。

至正壬辰癸巳以來方國珍輩起天下遂大亂

時士民皆登城禦敵馬教授輩於窩鋪中

闕

至正戊戌九日感懷賦

吳楓初冷水痕收塞雁南飛渡遠洲歲月無情天地老
江山不盡古今愁黃華謾引杯中物白髮空驚鏡裡秋

却笑桓溫清醺後終然無夢到神州

謾多憂思繞東籬舉目江山異昔時落日邊城悲鼓角
西風天地動旌旗荒村亂後愁無酒野老胸中喜有詩
風景不同人事別菊花何必上寒枝

門掩冬籬處士家每逢佳節惜年華黃花有恨驚秋老
白髮無情對日斜杜牧仙遊詩寡和王弘人去酒須賒
烏紗醉裏西風冷千古令人憶孟嘉

誰復攜壺上翠微干戈爛漫酒尊稀西風細雨黃花瘦

衰草荒烟白鴈飛落日有時懷故國
舊居無主鎖空扉
龍山回首尤非昔長使英雄淚滿衣

晚對南山飲濁醪少舒幽憤醉醺醺
雲邊黃菊細芳佩
世上紅塵襲敝袍陶令官閑身尚健
孟嘉帽落趣殊高
登臨我亦秋風客虛負人呼一世豪

雲鎖當年落帽臺滿山黃菊為誰開
久無吳士高人識
長有狂蜂妬蝶猜斜日東籬增感慨
西風南國正塵埃
如何得似承平舊與客攜壺共酒杯

慵整束籬賞酒餅白衣望斷夕陽亭征鴻北度烟塵冷
戰馬南嘶草木腥嫩菊半開香未老奇峰相對眼終青
何當得與淵明約共醉秋風不願醒

風急登高野客傷悲茄聲裏過重陽正須擊劍論孤憤
何暇攜壺舉一觴白骨不埋新戰恨黃花空發舊枝香
寒烟冷日東籬下西望柴桑路更長

悠悠江影鴈南飛黃菊飄香蝶滿枝斜日西風彭澤酒
殊方異國杜陵詩烟巒慘澹山林暮霜葉蕭疎草木悲

金方山先生集 卷六
醉後不思時節異半歌烏帽任風吹

滿城風雨晚淒淒
城北城南盡戰車
無藥可能醫世亂
有錢常欲買山居
床頭小甕開新釀
屋底明窓讀古書
園菊豈知吾輩意
清香唯解繞茆廬

時論田畝輸銀賦二律俾主事者知之

固守金湯動萬全
使君才調亦堪憐
活人陰德誰能見
濟物奇功已得專
廣鑄精金酬健者
泛科寒士豈當然
犒師勞將吾民職
爭奈饑無買米錢

劍不替鋒歲未豐帶牛佩犢走西東誰憐耕墾三時力
不直干戈一掃空破屋饑人啼夜雨荒村冤鬼哭秋風
有司科歛仍如舊願霽霆威畧見容

軍中一彥士少好讀書喜談論文章工拙尤篤
意詩學求指南於僕為賦一律以贈之

知公雅志喜文章光燄須觀萬丈長太傅辭華宜鑒別
翰林豪放不尋常筆端妙語誠須識馬上奇功慎勿忘
正是英雄馳騁日策勲麟閣姓名香

草堂寺有懷東陽輝老

蕭寺荒涼繞翠屏高僧無復定詩盟
雨侵深徑苔花冷風度浮雲柳絮輕
岩下古碑遺舊跡亭前流水訴新聲
昔年高座譚經地夜夜虛堂貯月明

莫春遊赤松

桃源春晚落花深仙子乘鸞去莫尋
地僻惟聞猿嘯月巖空無復鶴聽琴
雲遮不斷青山色風送還來翠竹陰
欲上丹山訪遺跡竈寒烟冷碧苔侵

牧羊人去杳無蹤欲訪仙鄉路不通樓殿勢穿雲影裡
笙簫盡斷月明中嵐光點點流空翠春色重重駐老紅
日莫桃源重回首夕陽香徑鎖春風

庚子端午次潘明舉韻二律

世亂飄零席未溫香蒲何暇薦芳尊傷時倍覺孤難立
訪舊空驚半不存燦燦石榴明照眼離離烟草暗銷魂
賜衣恩寵承平舊今日干戈未暇論

內家端午賜新衣萬姓千官樂盛時榴火噴人初霽雨

蒲觴醉客競題詩前歡過眼如流水近事驚心類奕棋
今日亂離非昔比澹烟衰艾不勝悲

次潘鵬舉喜雨韻二律

海若馮夷盡効誠阿香吳二更多情電驅鐵騎穿雲出
水決銀河半夜傾宇宙已清天下勢桔槔無復月中聲
冰肌玉骨涼如許何但倉儲喜滿贏

蒼龍將雨出山來天為主靈息禍災甘澤既能隨願足
片雲未必為詩催稻畦已溢平疇水蕙帳仍轟動地雷

剩欲構亭題誌喜只疑人怪老坡才

再和來字韻

風倦長坡化雨來洗空塵世弭天災滂沱足使坤維溢
瀕洞仍煩葵二催足下已深三尺水耳邊何止一聲雷
縣官滿貯豐年粟廣育山林茂異才

幽懷

不染纖塵六十年夢魂長是寄林泉閑拖竹杖雲邊坐
醉脫蓑衣石上眠澗水煮茶和月汲地爐收葉帶霜然

平生湖海知心少，惟結山猿野鶴緣。

庚子雪中十二律

跨鶴仙人下太空，散花天女盡嬪從。
水輪玉輦三千里，羽蓋銀屏十萬重。
海上有山皆霧鑰，人間無屋不雲封。
凌寒直上岑巒望，月到芙蓉第幾峰。

滕六裁雲舞玉京，馮夷剪水出滄溟。
旋脩江路尋梅屐，自挈溪橋貰酒瓶。
只恐雲山頭早白，終輸寒士眼長青。
十年不作淮西夢，世事於今未用聽。

擁被清吟興不窮地爐烟暖火初紅移舟訪戴心應懶
入蔡平淮夢已空柳絮影昏迷夜月琪花香減怨春風
鬢毛如蝟蓬牕下僵卧誰能識此翁

梨雲梅月苦紛紜凍蝶寒蜂錯認春遠近江山皆種玉
東南天地正飛塵烟蓑垂釣風標遠石鼎煎茶氣味新
幸有千年佳趣在老翁清賞未全貧

玉樹瓊林一夜榮悞將春色惱芳情空花發艷無真實
凍樹飄綿不老成徒使醉翁增酒價且尋吟社定詩盟

劉又去後無佳句羞覩寒光伴月清

萬頃銀波細剪裁繽紛飛下玉樓臺初疑羽旆空中舉
猶想霓裳月下來風緊有花飄岸柳雲深無樹認江梅
地爐煮茗松濤響絕勝羊羔飲酒杯

朵朵瓊花冷映扉隨風飛舞撲人衣孤舟蓑笠添清興
萬里江山失翠微醉裏不知明月上望中惟見濕雲飛
袁生紙帳方眠穩夢破人間萬事非

雲壓溪橋失舊蹤出門迷路酒醒空江山未易分高下

玉石尤難別異同梅粉光輝羞讓月柳綿輕薄喜當風
憑誰說與吳元濟鷺鴨池邊夜未終

疎疎密密復斜斜雲滿歌樓賣酒家半夜孤兵奇李愬
千年佳句笑劉叉異常璀璨元非玉頃刻繁華不是花
安得風流陶學士松風同煮竹爐茶

亂飄亭榭洒虛櫺飛入書齋照眼明天下更無花比白
雲間惟有月同清益堅茅屋高人操頻感窮邊老將情
舊日平淮夜深雪光輝仍滿蔡州城

攪碎銀河戰玉龍紛紜鱗甲舞天風江山浩浩芳塵遠
宇宙茫茫醉眼空春老不香雲樹裏鶴歸無影月明中
霜橋驢背尋詩罷自熱寒爐楮枰紅

北風吹雨晚聲乾亂撒真珠滿玉盤常訝雲巢驚鶴夢
最宜烟棹理漁竿偃眠茅屋不知夜醉著蓑衣尚怕寒
却笑當年韓吏部獨鞭羸馬出藍關

梅魂二律

飛入羅浮舊路遙東風迴首思寥寥玉容猶想霜晨沐

冰魄空疑月夜招望斷西湖春易老夢回南國雪初消
枝頭有恨無人見瘴雨蠻烟屬艾蕭

春風吹夢夜迢迢香影無蹤寄寂寥和靖作詩空見詠
姮娥剪紙謾頻招雲深庾嶺家何在月落西湖恨未消
怨殺樓頭吹玉笛粉容芳質委蓬蕭

題朱元良友琴圖手卷

卷上有高山流水

彼此虛懷七尺軀同音相和久相知坐看峰頂雲飛處
話到江空月落時過得意來俄斷絕到無聲際忽清奇

宵中多少驚人句不是桐君合語誰

左右司黃郎中以田畝多寡為賦役高下予田已盡而不除役故作此詩以諷之

掌握軍民至重權廟堂隆任豈徒然招邀賓客三千輩
管領東南一半天威惠足驚吳越地才能不減漢唐賢
猶存賦役為民害剛把無田作有田

墨菊

卸下前人金縷衣蕭蕭玄鬢望東籬西風烏帽高情遠

細雨黃花舊夢非
露洗烟光浮嫩萼
雲封秋色上疎枝
霜縑素影芳香斷
迴首縞塵怨夕暉

墨竹

與可神遊未易尋
子猷仙去硯池深
空餘瘦影驪龍舞
無復清聲紫鳳吟
雨暗渭川雲萬畝
月生淇水玉千林
秋風滿紙冰霜色
中有程嬰杵臼心

蘇知縣能染時賦
役頻繁負郭之田
十賣八九
民力已盡催科不
休詩中言及之俾
知民間

艱難云

小邑何煩命世豪
割雞寧復用牛刀
桃開古縣春風暖
琴鼓虛堂夜月高
滿腹仁慈遵孔孟
異時功業繼蕭曹
興來筆下烟雲起
千尺龍蛇舞海濤

國士誠非縣令才
天憐民瘼遣公來
廉能清似霞溪月
號令嚴如百里雷
凜凜冰霜居政府
堂堂人物坐琴臺
明年二月春風暖
剝買桃花滿縣栽

山翁自愧坐無氎
賦役相承斷復連
前載已捐南畝土

去春仍舊北山田差科正恐無虛日債鬻深憂有盡年
幸有讀書牕下月夜深依舊十分圓

辛丑二月初八日子攜妻子避亂於北山清修

寺賦一律奉謝山中故舊云

自笑饑寒杜拾遺
塞驢破帽傍人廬
老米亦願栖岩屋
亂後何能校石渠
落日人惟悲鼓角
荒郊誰解把犁鉏
荆妻稚子頻相擾
刻骨銘心甚日除

清明有感

舉目關河盡亂離
舊坟新塚正纍纍
落花滿徑東風惡
芳草連天野客悲
無酒無詩寒食節
半晴半雨夕陽時
垂楊不識興亡恨
也雜蓬蒿上翠扉

謝王鐵槍相公送還小童

採藥癡童出未還
悞將魂夢落塵寰
雖貪世味甜餐蜜
肯忘嵐光翠擁鬟
謝子指歸青草徑
隨予嘯上白雲山
從今穩坐峰巒頂
夜夜烟扉月下關

次韻張仲文雪中見寄

萬境無聲玉宇空江山晃耀失西東
溶溶不夜梨花月
袞袞長春柳絮風
兒女淺斟金帳酒
英雄方建鐵城功
池邊鶯鴨休驚擾
恐混軍聲耳為聾

再次前韻

醉眼模糊宇宙空
出門投止誤投東
老龍跳落銀河水
皓鶴飛來玉闕風
謝女有詩裁妙句
吳城無策立功
十年懶聽塵寰事
僵卧從教兩耳聾

再次前韻

水晶宮闕擁瑤空宮裏瓊姬過海東霧轂水輪飛廣漢
羽衣仙袂舞剛風天神淺試裁雲手海若新成剪水功
老子畏寒頭為縮鬢毛如蝟耳雙聾

再次前韻

深夜沈沈萬象空乾坤一色混西東濕雲冷浸琪花月
凍雨晴飄玉樹風老去更無擒蔡術困來猶有煮茶功
寄詩勿吝頻敲戶茅屋袁生耳不聾

元宵雪感懷

羽衣雲佩廣寒仙扶翊嫦娥下九天
天下山川開玉井
夜深燈火湧金蓮
最憂漁艇江波冷
猶記鰲山海月圓
世亂繁華非曩昔
寒缸挑盡謾僵眠

次韻

遊戲人間百億仙
細裁春勝散瑤天
九重銀漢翻琪樹
萬頃瑤池浸玉蓮
貪玩目前春富貴
忘觀天上月團圓
霓裳莫惜頻頻舞
輝映花燈夜不眠

金帳羊羔酒裡仙
醉觀皓鶴下瑤天
寒英忽舞顛狂絮

香燄俄開爛漫蓮閨苑有花春未老芳城不夜月空圓
茅齋僵卧袁夫子也玩鰲山懶去眠

懷赤松雲巖舊隱

家住青青不盡山石屏茅屋碧松關鉏雲短鋤孤峰頂
釣月輕舟一水間
楚鹿啣花常款曲山猿分果慣盤環
無端輕作紅塵夢身老乾坤未得還

謝邵仲才惠滴乳香

海南烟樹飽風霜老樹脂膏臭味芳露濕未乾秋月白

風吹不斷莫雲長
團團良玉寒生彩
顆顆驪珠夜吐光
得爾價須增百倍
指揮檀麝合稱王

重陽值雨

西風吹帽雨沾衣
與客如何上翠微
白髮恨多秋鬢短
黃花香冷濕雲飛
但須飲酒細芳佩
不用登臨怨落暉
採菊東籬陶靖節
醉穿木屐著蓑衣

又感懷

斜風細雨暗東籬
歲月驚心往昔非
芳菊有香秋漸老

空尊無酒意多違陶潛去後論交寡杜牧吟成見和稀
西望山林無限意亂雲多處斷鴻飛

乙巳正月十二日雪中感懷

梅李爭妍冷更榮楊花飛絮濕尤輕雪梢香凍鶯聲恣
月樹光寒蝶影清兒女祇貪金帳樂英雄空老玉關情
自憐衰朽心尤壯夢裡麾兵入蔡城

幽居即事

靜看餘花照澗渠醉吹長笛卧庭除夢回涼月生松榻

吟罷清風滿草廬身後豈圖千載譽腹中猶有百篇書
溪邊磐石長年坐不是任公釣巨魚

寄方仲遠山人初識兼簡劉真白空不空上人
一見丰標許不凡齊梁聲律晉清談淡如涼月生巖樹
瑩似驪珠映石潭二子形容尤醞藉獨夫鬢髮已鬢髭
何當共訪烟霞子共話前三與後三

閑中雜興

醉吹長笛倚雲峰靜掃餘花坐晚紅幽夢不離青徑月

高情長策翠微風雖無化俗清時術猶有搜奇摘艷功
沙上與鷗脩好罷梅邊教鶴舞晴空

題戴石屏詩後

石屏字
式之

騷壇吟社久馳聲句法清奇復老成彈壓江湖鷗鷺喜
品題泉石鶴猿驚天邊桂子芳香遠雪裡梅花瘦影清
妙語奇言看不盡海雲飛去玉蟾明

秋宵月下話休文遺迹

石井烟迷半蘚荒休文遺迹墮微茫刺桐影冷秋風爽

桂子清香夜月涼
山洞出雲舒畫簾
江波翻浪煥文章
汀蘭澗芷春常在
人去樓空幾夕陽

再題式之詩後石屏父子皆有詩名

先生家世以詩鳴
久擅吟壇老將名
前輩羣賢聞必喜
晚唐諸子見皆驚
雲幡碧海蒼龍影
風遞青林紫鳳聲
石鼎煮茶尤韻美
松濤灑雪暮潮生


重九感興三首

牛山遠在亂雲中
暮靄荒烟寄斷鴻
陶令歸來官況懶

孟嘉去後酒盃空羞將白髮歌烏帽笑看青松老翠峰
千載英豪一時事菊花冷淡怨秋風

黃花白髮淡相輝況是登臨近夕暉斷靄征鴻天共遠
落霞孤鶩晚齊飛江空雲影流無盡日暮秋光老欲歸
帽落孤峰人已去草深三徑事還非

翠微影冷玉峰秋與客攜壺話昔遊三徑菊花香未老
一江烟浪水長流行登高閣鴻初到過了重陽蝶也愁
已約淵明同酩酊醉歌烏帽雪盈頭



樵雲獨唱卷六